

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKI KANTON
GRAD MOSTAR
POZORIŠTE LUTAKA U MOSTARU

GODIŠNJI IZVJEŠTAJ

O RADU ZA 2019. GODINU

Mostar, 27.02.2020.
Broj: 02-06/20

Izvještaj o provedbi godišnjeg programa rada za 2019. godinu

Finansijski izvještaj za 2019. godinu

UVOD

Godišnji izvještaj o poslovanju ustanove sačinjen je prema „Opštoj instrukciji za izradu godišnjeg izvještaja o poslovanju ustanove“ koju je donio Grad Mostar u aprilu 2014. godine.

Izvještaj sačinjava direktor ustanove, a usvaja ga Upravni odbor. Izvještaj potpisuju direktor ustanove i predsjednik Upravnog odbora, te se isti objavljuje na oglasnoj ploči najkasnije sedam dana od dana usvajanja.

A. OPŠTI PODACI

Javna ustanova

POZORIŠTE LUTAKA U MOSTARU

ID: 4227284740008

Pozorište lutaka Mostar osnovano je 1952. godine

Sjedište ustanove:

Braće Ćišića br. 15

Tel. 036/552 625, fax 036/556 450 i mob. 061 741 545

E-mail: info@plm.ba

www.plm.ba

Poslovna banka:

UniCredit bank, d.d. Mostar – tekući račun 3389002207880545

Registracijski sud i broj u sudskom registru:

Županijski/kantonalni sud Mostar broj: Tt-952/04 od 15.12.2004.

Osnivač:

GRAD MOSTAR

Rješenje broj: 01-02-297/2004.

Upravni odbor:

Selma Salčin, predsjednica

Senad Suljić, član

Josipa Marijanović, član

Diana Ondelj Maksumić, član

Amer Ćatić, član

Direktor

Edin Kmetaš

B. PODACI O POSLOVANJU USTANOVE

1. Kratak opis historije i naravni poslovanja ustanove:

Pozorište lutaka u Mostaru od svog nastanka pa do danas nalazi se u zgradi bivše jevrejske sinagoge u mostarskom naselju Brankovac, koju je, početkom pedesetih godina prošlog vijeka, Jevrejska opština Mostar, ustupila Pozorištu lutaka i to samo i isključivo za tu namjenu.

Za sve ove godine Pozorište lutaka je postalo pravi hram lutkarstva i najbolji predstavnik kulturne scene ovog grada, dobitnik brojnih pohvala, nagrada i priznanja na međunarodnim i domaćim festivalima, a njegove predstave do sada je vidjelo preko dva miliona gledalaca.

Svoje predstave igralo je na scenama Austrije, Francuske, Italije, Španije, Bugarske, Njemačke, Mađarske, Poljske, Irana, Norveške, Švedske, te naravno, u svim državama nastalim raspadom bivše Jugoslavije.

Saradnja sa režiserima i lutkarskim stručnjacima poput Slavča Malenova, Todora Valova, Wojciecha Wiczorkiewicza, Roberta Waltla, Ivana Coneva, Elżbiete Eysymont, Jaroslawa Antoniuka, Alekseja Ljeljavskog i drugih, od mostarskih je lutkara opet načinila istinske majstore animacije i dostojne nasljednike slavni prethodnika, onih koji su napravili antologijske predstave sedamdesetih i osamdesetih godina prošlog vijeka, tada sarađujući sa režiserima poput Edija Majarona, Luke Paljetka, Todora Ristića, Ivana Teofilova, Saše Jovanovića...

Posljednjih godina Pozorište lutaka je ponovo postalo široko prepoznatljivo po kvaliteti i inovativnom pristupu u svojim projektima. Samo u posljednjih nekoliko godina na međunarodnim i domaćim festivalima osvojilo je ukupno 55 nagrada, od toga tri Grand Prix-a za najbolje predstave, te Nagradu za najbolju ansambl igru, Nagradu ansamblu za glumačko majstorstvo, Specijalnu nagradu za cjelovitost teatarskog izraza, Specijalnu nagradu za kompletno osmišljen projekat, zatim veliki broj nagrada za najbolja pojedinačna i kolektivna glumačka ostvarenja. Tu su i brojne nagrade za najbolju režiju, najljepšu scenografiju, dizajn lutaka i kostime, te više nagrada dječijeg žirija.

Kadrovska struktura se u 2019. godini promijenila. Kasim Prguda zaposlen na radnom mjestu domar je otišao u penziju te smo na njegovo radno mjesto zaposlili Seju Redžića. Zbog nedostatka kadra u glumačkom ansamblu kao i teške bolesti dugogodišnjeg glumaca ove kuće Nedžada Makumića u saradnji sa Službom za kulturu Grada Mostra osigurali smo sredstva te na radno mjesto glumac II na određenim vremenski period primili Ninu Popović. Početkom 2019/2020 sezone, zbog otežavajućih okolnosti i nedostatka radno sposobnog kadra, kolektiv smo obogatili još jednim mladim glumcem - studentom koji na volonterskoj osnovi učestvuje u programskoj djelatnosti Pozorišta lutaka u Mostaru. Kolektiv Pozorišta lutaka u Mostaru na kraju 2019. godine čini jedanaest uposlenika, od čega 6 glumaca, 2 tehničara, domar, spremačica i direktor.

2. Opća analiza kretanja u poslovanju Ustanove u obračunskom razdoblju i njegovih planova za budućnost, uključujući pregled značajnih investicija:

Poslovanje Pozorišta lutaka u 2019. godini karakteristiše optimizacija rada iz osnovne djelatnosti koja uključuje:

- redovno plaćanje dospjelih obaveza za plate (bruto plate),
- redovno plaćanje dospjelih obaveza za tople obroke,
- redovno plaćanje dnevnica uposlenicima prilikom odlaska na gostovanja,
- redovno plaćanje poslovnim partnerima,
- redovno plaćanje prispjelih obaveza.

Pozorište lutaka radilo je i na stvaranju boljih uslova za rad. U protekloj godini izvršena je djelimična rekonstrukcija velike sale i administrativne zgrade.

U velikoj sali su urađeni sljedeći radovi:

1. ugrađena nova zvučna i toplotna izolaciju unutrašnjih zidova,
2. sprovedena nova elektro i zvučna instalacija,
3. postavljen novi nosač za rasvjetu,
4. na sceni stara zelena platna zamjenjena novim crnim,
5. stare pasivne razglasne kutije zamjenjene novim aktivnim,
6. instalirana stropna, zidna i podna led rasvjeta
7. stolice za publiku obložene spužvama i presvučene novim platnom,
8. urađena numeracija redova i sjedišta,
9. postavljena nova ograda,
10. ugrađena nova protupožarna vrata,
11. zamjenjen podni itison,
12. postavljena vanjska ukrasna led rasvjeta.

Radovi na administrativnoj zgradi:

1. izmjenjeni vanjski i unutrašnji otvori,
2. urađena kompletna rekonstrukcija apartmana za goste,
3. nabavljen novi namještaj za apartman,
4. rekonstrukcija toaleta za uposlenike,
5. rekonstrukcija kuhinje,
6. postavljena krovna toplotna izolacija.

Za rekonstrukciju objekata Pozorišta lutaka u Mostaru utrošeno je ukupno 74.835,13 KM

Agencija „Stari Grad“ je pripremila potrebnu dokumentaciju za utopljanje objekata Pozorišta lutaka u Mostaru, no planirani radovi u 2019. godini nisu izvršeni.

Konsultantska firma nLogic je po nalogu Grada Mostara izvršila uvid u postojeće stanje te Pozorištu lutaka u Mostaru dodijelila energetska certifikat sa preporukama.

C. REZULTATI RADA I AKTIVNOSTI

Javna ustanova Pozorište lutaka u Mostaru je u protekloj 2019. godini obavila niz radnji i aktivnosti u cilju sprovođenja plana rada i ostvarivanja osnovne djelatnost. Tokom godine Pozorište lutaka je shodno svojim mogućnostima bilo aktivan kreator i sudionik kulturnih dešavanja kako u Gradu Mostaru tako i diljem Bosne i Hercegovine.

Zbog ograničenog broja uposlenika u glumačkom i administrativnom sektoru nastojali smo racionalno rasporediti broj igranja predstava.

Početak godine, zbog teške bolesti dva glumca, Pozorište lutaka u Mostaru došlo u situaciju da na repertoaru može igrati samo jednu predstavu koja je premijerno izvedena 28. februara 2019. godine.

Pored navedenih poteškoća u ansamblu uspjeli smo realizovati proljetnu i jesenju seriju za učenike osnovnih škola te se odazvati pozivima na gostovanja i festivale na kojima smo tokom godine osvojili 8 nagrada i GRAND PRIX sa predstavom „Bajka o izgubljenom vremenu“.

U koordinaciji sa Službom za kulturu i Službom za obrazovanje Grada Mostara predložili smo sistemsko rješavanje organizovanih dolazaka učenika osnovnih škola u pozorišta / kazališta lutaka gdje smo od navedenih službi tražili da svim školama pošalju instrukcije o neophodnom podržavanju lutkarskih kuća u Gradu Mostaru.

U prvom kvartalu 2019. godine ostvarili smo saradnju sa Rambo Amadeus bendom za čije smo potrebe u Pozorištu lutaka u Mostaru snimi lutkarski video spot za pjesmu Brod budala. Saradnja je uspješno krunisana koncertom istoimenog benda na rođendan Pozorišta lutaka u Mostaru 15.11.2019. godine.

Za potrebe buduće programske djelatnosti uspostavili smo novu saradnju sa Selmom Parisi te otkupili autorska prava na dva teksta „Mjesec i ja“ i „Dječak koji je sanjao more“. Selma Parisi autorica je bosanskohercegovačkih korijena, sa prebivalištem u Zagrebu i jedna je od najnagrađivanijih dječijih autora na ovim prostorima.

Pred kraj godine smo ugostili istaknutog bosanskohercegovačkog glumca Zijaha Sokolovića sa predstavom „Ko bajagi donijela me roda“ te dogovorili saradnju na predstavi „Dječak koji je sanjao more“.

Pozorište lutaka u Mostaru je u 2019. godini nastavilo i sa priređivanjem koncerata za svoju publiku te ostvarilo saradnju sa festivalom JAZZ FEST Sarajevo.

1. PREDSTAVE U POZORIŠTU LUTAKA

U 2019. godini realizovali smo premijeru predstave „Bajka o izgubljenom vremenu“ autorskom projektu hrvatske redateljice Tamare Kučinović. U sklopu novogodišnjih praznika postavili novu predstavu „Eto nama Djeda Mraza“ prema tekstu i režiji Nedžada Maksumića.

Tokom godine na repertoaru smo imali sljedeće predstave:

- Bajka o izgubljenom vremenu
- Mačak u čizmama
- Eto nama Djeda Mraza

Predstavu „**Bajka o izgubljenom vremenu**“ igrali smo:

RB	Datum	Mjesto	Namjena
1	27.02.2019.	Pozorište lutaka u Mostaru	Predpremijera
2	28.02.2019.	Pozorište lutaka u Mostaru	Premijera
3	03.03.2019.	Pozorište lutaka u Mostaru	I repriza
4	03.03.2019.	Pozorište lutaka u Mostaru	II repriza
5	04.03.2019.	Dom kulture Goražde	Gostovanje
6	10.03.2019.	Pozorište lutaka u Mostaru	Repriza
7	17.03.2019.	Pozorište lutaka u Mostaru	Repriza
8	02.04.2019.	Dječji festival Živinice	Serijska za školarce
9	02.04.2019.	Dječji festival Živinice	Serijska za školarce
10	02.04.2019.	Dječji festival Živinice	Serijska za školarce
11	06.05.2019.	FEDU, Kakanj	Festival
12	15.05.2019.	LUT FEST, Ist. Sarajevo	Festival
13	21.05.2019.	Centar za kulturu, Konjic	Serijska za školarce
14	21.05.2019.	Centar za kulturu, Konjic	Serijska za školarce
15	02.06.2019.	Pozorište lutaka u Mostaru	Repriza
16	22.09.2019.	Pozorište lutaka u Mostaru	Repriza
17	28.09.2019.	MESS, Sarajevo	Festival
18	11.10.2019.	Dječije pozorište RS	Festival
19	11.10.2019.	Dječije pozorište RS	Festival
20	27.10.2019.	Herceg Fest, Herceg Novi	Gostovanje
21	03.12.2019.	Dječji festival IFET, Zenica	Festival
22	15.10.2018.	CZK, Sarajevo	Gostovanje

U sklopu proljetne serije za škole od 13.03. do 30.04.2019. godine predstavu „Bajka o izgubljenom vremenu“ igrali smo u 25 termina za učenike osnovnih škola Grada Mostara, Prozora i Stoca.

UKUPNO: 47 igranja

Predstavu „**Mačak u čizmama**“ igrali smo:

RB	Datum	Mjesto	Namjena
1	15.09.2019.	Pozorište lutaka u Mostaru	Slobodna prodaja
2	06.10.2019.	Pozorište lutaka u Mostaru	Slobodna prodaja

U sklopu jesenje serije za vrtiće i učenike osnovne škole u 2019. godini smo pored 2 nedjeljna izvođenja odrigrali još 20 izvedbi u periodu od 04.11. do 26.11.2019. godine.

UKUPNO: 22 igranja

Predstavu „**Eto nama Djeda Mraz**“ igrali smo:

RB	Datum	Mjesto	Namjena
1	14.12.2019.	Coca Cola, Sarajevo	Gostovanje
2	14.12.2019.	Coca Cola, Sarajevo	Gostovanje
3	14.12.2019.	Coca Cola, Sarajevo	Gostovanje
4	14.12.2019.	Coca Cola, Sarajevo	Gostovanje
5	20.12.2019.	Pozorište lutaka u Mostaru	UniCredit banka
6	22.12.2019.	Pozorište lutaka u Mostaru	Slobodna prodaja
7	26.12.2019.	Pozorište lutaka u Mostaru	Slobodna prodaja
8	27.12.2019.	Pozorište lutaka u Mostaru	Elektroprivreda, Mostar
9	29.12.2019.	Pozorište lutaka u Mostaru	KC Dr. Safet Mujić
10	29.12.2019.	Pozorište lutaka u Mostaru	Slobodna prodaja
11	30.12.2019.	Pozorište lutaka u Mostaru	Slobodna prodaja
12	31.12.2019.	Winterville, Šetnica	Slobodna, Zimski grad

UKUPNO: 12 igranja

U toku 2019. godine naše predstave igrali smo ukupno 81 put. Predstavama izvedenim u Pozorištu lutaka Mostar kao i gostovanjima prisustvovalo je 11.740 gledalaca.

U 2019. godini realizovali smo i sljedeće događaje u Pozorištu lutaka u Mostaru:

- 22.03.2019. koncert Dosterrados i Barimatango – u sklopu programa JAZZ FEST Sarajevo
- 13.06.2019. mjuzikl učenika osnovne škole Zalik „U potrazi za princezom“
- 28.06.2019. predstava „Modrine“ Ines Pašić u sklopu manifestacije Mostarsko ljeto 2019.
- 07.07.2019. predstava „Princeza Zlatka u kraljevstvu boja“, NEVID teatar Banja Luka
- 18.10.2019. koncert ansambla Sevdah Ashk Groove, Sarajevo
- 15.11.2019. koncert benda Rambo Amadeus povodom 67. rođendana Pozorišta lutaka
- 15.12.2019. predstava „Ko bajagi donijela me roda“ Zijah Sokolović

2. GOSTOVANJA

Prošli smo selekciju te pozvani na sljedeće festivale:

- 5. festival dječije umjetnosti Sarajevo sa predstavom „Bajka o izgubljenom vremenu“
- XX Međunarodni festival „Lutfest“ u Ist. Sarajevu, sa predstavom „Bajka o izgubljenom vremenu“,
- 18. Međunarodni festival pozorišta za djecu u Banjaluci, sa predstavom „Bajka o izgubljenom vremenu“

U 2019. godini na tri posjećena festivala Pozorište lutaka u Mostaru osvojilo je ukupno **8 nagrada i GRAND PRIX** nagradu „Zlatna anima“ za najbolju predstavu festivala.

Sa predstavom „Bajka o izgubljenom vremenu“ gostovali smo i u sljedećim gradovima:

- 04.03.2019. Dom kulture Goražde
- 02.04.2019. Bosanskom kulturnom centru Živinice
- 06.05.2019. KSC Kakanj
- 21.05.2019. Centar za kulturu Konjic
- 28.09.2019. Internacionalni festival MESS
- 23.10.2019. HERCEG FEST, Herceg Novi, Crna Gora
- 03.12.2019. Festival IFET, Zenica

Opća analiza utrošenih sredstava

Pozorište lutaka je u 2019. godini financirano iz budžeta Grada Mostara, tako što mjesečno od osnivača Grada Mostara dobija grant u iznosu od 19.277,00 KM za bruto plate, topli obrok i materijalne troškove.

Pozorište lutaka je od Grada Mostara dobilo 3.500,00 KM za troškove učešća na festivalima koje Pozorište lutaka redovno posjećuje.

Za produkciju nove predstave Pozorište lutaka je od Grada Mostara dobilo 4.000,00 KM.

Prihod od drugih nivoa vlasti (grantovi) u iznosu od 7.000,00 KM (Fondacija za scenske, likovne i muzičke umjetnosti) namjenjeni su programskoj djelatnosti a sredstva su uredno pravdana prilaganjem uplatnica i bankovnih izvoda. Prihodi od 57.000,- KM uplaćeni od strane Vlade Hercegovačko-neretvanskog kantona namjenjeni su i utrošeni na ime rekonstrukcije velike sale i administrativne zgrade.

Prihod od sponzora na ime marketinških aktivnosti u iznosu 3.109,00 KM najmjenjen je obnavljanju predstave.

Prihodi od prodaje ulaznica i izdavanja sale u zakup utrošeni su na programsku djelatnosti i tekuće poslove (sitne popravke, nabavku kancelarijskog i drugog sitnog inventara, plaćanje saradnika i dr.)

Sredstva (mjesečne tranše) dobivene od osnivača trošena su namjenski, a Izvještaj o finansijskom poslovanju, kao i bilans stanja i bilans uspjeha nalaze se u prilogu ovoga izvještaja.

Ukupni prihodi: 307.448,00

Ukupni rashodi: 304.517,00

Višak prihoda nad rashodima iznosi: 2.931,00

Set finansijskih izvještaja: bilans stanja i bilans uspjeha

Izvještaj u prilogu

Upravni odbor

U Pozorištu lutaka u Mostaru tokom 2019. godine djelovao je Upravni odbor u sastavu:

1. Selma Salčin, predsjednica
2. Josipa Marijanović, član
3. Senad Suljić, član
4. Diana Ondelj Maksumić, član
5. Amer Ćatić, član

Upravni odbor održavao je sjednice shodno potrebama i aktivnostima ustanove. Teme dnevnog reda Upravnog odbora bile su uglavnom planovi rada i izvještaji, kao i druga pitanja koja se tiču rada ustanove, a koje su u nadležnosti su Upravnog odbora.

Najznačajniji poslovni događaji u posljednjoj godini

U protekloj 2019. godini rad Pozorišta lutaka u Mostaru obilježilo je nekoliko događaja među kojima posebno izdvajamo gostovanje na festivalima, osvajanje 9 nagrada, učešće u organizaciji manifestacije „Mostarsko ljeto“ i zimskom gradu „Winterville“.

Ostvarene su saradnje sa JAZZ FEST Sarajevo, bendom Rambo Amadeus, književnicom Selmom Parisi, glumcem i režiserom Zijahom Sokolovićem, glumicom i režiserkom Ines Pašić.

Ansambl Pozorišta lutaka je sa predstavom „Bajka o izgubljenom vremenu“ igralo za publiku u Sarajevu, Banja Luci, Istočnom Sarajevu, Goraždu, Zenici, Kaknju, Konjicu, Živinicama i Herceg Novom u Crnoj Gori.

Direktor Pozorišta lutaka u Mostaru boravio je u Subotica kao specijalni gost na Susretima profesionalnih lutkarskih pozorišta Srbije.

Zaključna razmatranja

Uzimajući u obzir rezultate rada iz prethodne 2018. godine i poteškoće koje su ansambl zadesile početkom 2019. godine, smatramo da je Pozorište lutaka u Mostaru nastavilo sa uspješnim poslovanjem u domenu svoje djelatnosti.

Poslovnu godinu smo uspjeli završiti sa pozitivnim bilansom stanja. Započeli smo procese renoviranja pozorišne infrastrukture kao i nabavku nove i zamjenu zastarjele tehničke opreme.

Zbog nedostatka sredstava i opredjeljenja da se rade samo kvalitetni programi Pozorište lutaka u sezoni realizuje jednu do dvije premijere, a godišnji program popunjavamo predstavama koje imamo na repertoaru iz prethodnih godina.

Tokom godine planiramo organizaciju Prvog međunarodnog Festivala lutkarskih umjetnosti u Mostaru koji će se realizovati u septembru 2020. godine. Na festival ćemo pozvati profesionalna lutkarska pozorišta iz regiona te na taj način Pozorište lutaka kao i Grad Mostar staviti na mapu svjetskih lutkarskih festivala.

U cilju povećanja produktivnosti, uvođenja boljeg sistema organizacije, pisanja projekata i organizovanja festivala planiramo zaposliti jednu osobu u administrativnom sektoru, jednu osobu u tehničkom sektoru i omogućiti mladima obavljanje pripravnčkog staža i volontiranja.

Direktor Pozorišta lutaka u Mostaru će u saradnji i partnerstvu sa Upravnim odborom i kolektivom ove kuće poduzeti sve mjere i aktivnosti kako bi se nastavili pozitivni trendovi poslovanja i u budućnosti.

Mostar, 27.02.2020.

Upravni odbor

Pozorište lutaka u Mostaru

Selma Salčin, predsjednica

Edin Kmetaš, direktor

Dostavljeno:

- Upravni odbor
- Grad Mostar, Odjel društvenih djelatnosti, Služba za kulturu
- Oglasna tabla
- Arhiv